



**Андижон вилоят статистика бошқармаси
«Инвестиция ва қурилиш статистикаси» бўлими**

НИЗОМИ

1. Умумий қоидалар.

1.1 «Инвестиция ва қурилиш статистикаси» бўлими статистика бошқармасининг таркибий бўлинмаси хисобланади.

1.2. Бўлим ўз иш фаолиятида Ўзбекистон Республикаси Конституцияси, Ўзбекистон Республикаси қонунлари, «Давлат статистикаси тўғрисида»ги қонун, Давлат статистика қўмитаси буйруқ ва қарорлари, «Статистика бошқармаси тўғрисида»ги Низом ва жорий Низомга амал қиласди.

2. Бўлимнинг асосий вазифалари.

2.1 Бўлим статистик хисоботларни қабул қилиш, қайта ишлаш, умумлаштириш, сақлаш ва тахлил қилиш йиллик «Давлат статистика ишлари ишчи дастури»га асосан давлат статистика қўмитасига тақдим этиш.

2.2 Давлат органлари ва фуқароларнинг ўзини-ўзи бошқариш идоралари, юридик шахслар, ташкилотлар ва жамоатчиликни амалдаги тартибда статистик маълумотлар билан таъминлаш.

2.3 Вилоятни ижтимоий-иқтисодий холатини характерловчи статистик кўрсаткичларнинг ишончлилиги, холислиги, тезкорлиги ва даврийлигини таъминлаш.

2.4 Вилоятдаги ижтимоий-иқтисодий жараёнларнинг боришини ўрганиш, умумлаштириш ва тахлил қилиш.

2.5 Давлат статистик кузатувларни ташкил этиш ва методология хамда расмий статистика маълумотлари масалаларида ахборот-тушинтирув ишларини олиб бориш.

2.6 Ойлик доклад, бюллетен, ахборотларни ва тахлилий маълумотлар учун бошқарманинг «Статистика фаолиятини ташкил этиш ва йиғма ишлар»

бўлимига жадваллар ва тахлиллар бериш.

2.7 Вилоятнинг ижтимоий-иқтисодий холатини акс эттирувчи бюллетен ва бошқа тахлилий статистик маълумотларни тайёрлаш.

3. Бўлимнинг хуқуқлари.

3.1 Бошқарманинг худудий бўлинмаларидан статистик маълумотларнинг ишончлилиги ва тақдим этиш муддатларига риоя этишларини талаб қилиш.

3.2 Бошқарманинг худудий бўлинмаларидан, бўлим ишлари учун зарур бўлган маълумот ва материаларни олиш.

3.3 Статистик хисоботларни қасдан нотўгри ва хатолик холатда тақдим этган холда қўпол қонунбузилишларга йўл қўйган шахсларни қонунчиликка асосан маъмурий ва жиноий жавобгарликка тортиш бўйича белгиланган тартибда таклиф киритиш.

4. Бўлим мажбуриятлари.

4.1 Ягона илмий статистика методологияси асосида статистик маълумотлар сифатини ошириш ва тартибга солиш.

4.2 Ходимлар томонидан қонунчиликга риоя этиш, статистик хисоботлар ишончлилигини назорат қилишнинг амалий тизимини таъминлаш ва субъектлар томонидан аниқланган хатоликларни ўз вақтида бартараф этиш, меъёрий ишларни юритишда амалдаги қонунчилик талабларига риоя этиш.

4.3 Бўлимга келаётган ва бўлимдан юборилаётган маълумотларда давлат ва тижорат сирларини махфийлигини таъминлаш.

4.4 Бўлимдаги ходимлар бошқарма бошлиғи томонидан тасдиқланган «Иш тақсимоти»га асосан иш юритиш.

5. Бўлим бошлиғи.

5.1 Бўлим фаолиятини бошқаради. Бўлимга юклатилган вазифа ва мажбуриятларни бажарилишига хамда ижро ва меҳнат интизомига жавоб беради.

5.2 Бўлим фаолияти самарадорлигини ошириш чораларини кўради.

5.3 Бўлим фаолиятига тегишли қарор қабул қилишда жамоа фикрини инобатга олади ва ўз иши, қабул қилинган қарор ва унинг бажарилиши борасида жамоани ахборот билан таъминлаб боради.

5.4 Бошқарманинг Кадрлар ва маҳсус ишлар бўлими хамкорлигида бўлимни ходимлар билан таъминлаш чораларини кўради.

5.5 кўйилган вазифалар, қабул қилинаётган хужжатлар ва тажриба алмашинув масалаларида бўлим ходимлари ўртасида тушинтирув йиғилиш ва мухокамаларни ўтказади.

5.6 Хужжатларни юритиш ишларини ташкил этади, топшириқларнинг ўз вақтида бажарилиши юзасидан қатъий назорат ўрнатади, бўлим ходимлари томонидан хизматдаги хужжатлар билан ишлаш ва уларни сақлаш тартибларига риоя этишларини назорат қиласди.

5.7 Бўлимдаги ходимларга масъулдир.

5.8 Ўз касб малакасини доимий ошириб боради.

6. Бўлим бошлиғи қуидаги хуқуқларга эга.

6.1 Бўлимда ишларни тақсимлаш ва лавозим бўйича иш тақсимотини ишлаб чиқиш ва бошқарма бошлиғига киритиш.

6.2 Бўлим ходимларини ўзгартириш, лавозимини кўтариш, керак бўлганда қонуний чора кўриш бўйича таклиф киритиш.

6.3 Бўлим иш фаолиятини, унинг шакли ва услубларини, хисобот, ижро ва меҳнат интизомини такомиллаштириш бўйича чора-тадбирлар ишлаб чиқиш.

6.4 Бўлим ходимларининг фаоллигига кўра уларнинг иш хақига малакавий устамалари хамда белгилангандан ортиқ ишлаганликлари учун кўшимча устамалар бериш ёхуд мавжуд устамаларни бекор қилиш бўйича бошқарма раҳбариятига таклиф киритиш.

6.5 Бошқарма раҳбарияти томонидан ўтказилаётган йиғилиш ва семинарларда иштирок этиш.

6.6 Идора, корхона ва ташкилотларда бўлим ваколатларига оид масалалар мухокамасида бошқарма томонидан иш юритиш.

7. Бўлимнинг бошқа ходимлари.

7.1 Ўзига тегишли бўлган вазифа ва мажбуриятларни ўз вақтида, сифатли бажарилишини таъминлайди.

7.2 Зиммасига юклатилган хисоботларни қабул қиласди, қайта ишлайди, тўлалигини таъминлайди ва якунлангандан сўнг, йиғма маълумотларни жадвал асосида ва ёзма равишда бўлим бошлиғига ахборот беради.

7.3 Ўзига бириктирилган вазифалардан ташқари бўлим бошлиғи томонидан берилган, бўлимга алоқадор бўлган хар қандай (қонун доирасида) топшириқларни бажаради.

7.4 Ўз касб малакасини доимий ошириб боради.

Бўлим низоми билан таништирилдим. Низомга асосан бўлимга ва ўз зиммамга биректирилган вазифаларни талаб даражасида бажараман. Фаолиятимда менга биректирилган қисм бўйича камчиликлар аниқланган холда ёхуд бўлим Низоми бузилган тақдирда тўла-тўкис жавобгарликни ўз зиммамга оламан.